



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enarratio Epistolæ Prioris Ad Timothevm, Et Dvorvm
Capitum secundæ**

Melanchthon, Philipp

Vitebergæ, 1561

VD16 M 3167

De nouißimis temporibus.

urn:nbn:de:hbz:466:1-36308

De nouissimis temporibus.

ET si omnia secula inde usq; ab initio generis humani multas magnas confusiones religionum, bella & uastationes habuerunt, Tamen uox diuina sepe testatur in ultima senecta mundi maiores futuras esse confusiones quam fuerunt antea, Et crescunt mala propter tres causas: 1. Quia cum latis peccatis sequuntur maiores poenae. 2. In his ipsis peccatis & poenis natura fit languidior & disciplina dissolutior. 3. Quia rabies Diabolorum crescit, qui iam scientes instare diem iudicij, in quo eorum malicia omnibus angelis & hominibus, palam ostendetur, odio filij Dei magis seuiunt in Ecclesiam.

Hec magna pericula nostrae aetatis aliquo modo consideremus, & expauescentes simus uigilantiores in discendo, & modestiores in omnibus negotijs, & ardentiores in petendo auxilio. Intuemur etiam promissiones nominatim factas ultime aetati, ut Esaiæ 46. Etiam in senecta & canicie uos gestabo. Et Psalmo 71. Non proijcias me tempore senectæ, cum deficiet uirtus mea. Item Etiam in senecta non relinuas me. His cogitationibus exuscitemus nos ad uigilantiam & ad preparationem.

Prodest hæc admonitio ad hoc quoq; ne scandalis

I. EPISTOLA AD

dalis turbati existimemus nullam esse Dei Ecclesiam, sed sciamus inter has ipsas confusions tamen aliquam esse ueram Ecclesiam, & discamus ubi quærenda sit, & nos ei adiungamus, & in ea uerum Deum in uera agnitione Domini nostri Iesu Christi firma fide & spe inuocemus, & statuamus promissiones nobis ratas esse, & semper nos consolemur hoc articulo, Credo Ecclesiam sanctam Catholicam. Item Matth: 28. Ego uiscum sum usq; ad consummationem seculi. Item 1. Cor: 11. Hoc facite donec ueniat.

Multi deficient à fide.

Necessaria diligentia est considerare discrimina professionum in genere humano, Ethnicus, Iudæi, Mahometista palam profitentur se esse discipulos Christi & Euangelij, Et palam reijciunt symbola. Hi facile agnosci possunt. Sint autem præmunitum aduersus hos munita pectora, sicut aduersus Ethnicos uetustas collegit multas refutationes quas cogitare utile est.

Prima autem & maximè illustris confirmatio est Ecclesie miracula inimitabilia creaturae quæ testantur hanc doctrinam à Deo traditam esse, ut resuscitatio mortuorum, repressio curis solis, partus in effœta ætate, eductio ex Ægypto.